

Odluka o izmjenama i dopunama statuta općine Stolac

Koristeći se ovlaštenjima koja su mi data članom V Aneksa 10 (Sporazum o civilnoj implementaciji Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja pomenutog Sporazuma o civilnoj provedbi Mirovnog ugovora; i posebno uzevši u obzir članak II. 1. (d) gore navedenog Sporazuma, prema kojem Visoki predstavnik "pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa civilnom implementacijom";

Pozivajući se na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnoj implementaciji Mirovnog ugovora kako bi pomogao u iznalaženju rješenja za probleme, kako je prethodno rečeno, "donošenjem obvezujućih odluka, kada to bude smatrao neophodnim", u svezi sa određenim pitanjima, uključujući (u skladu sa tačkom (c) ovog stava) i "mjere u svrhu osiguranja implementacije Mirovnog sporazuma na čitavoj teritoriji Bosne i Hercegovine i njenih entiteta";

Imajući na umu da se Arbitražnom Odlukom o implementaciji općinskih izbornih rezultata u Stocu, donesena 18. marta 1998. godine, potvrđuje uvođenje dvotrećinskog kvoruma svih izabranih vijećnika kako je prvobitno određeno prijedlogom međustranačkog dogovora od strane OSCE-a od 16. decembra 1997. godine;

Uzmajući u obzir član 23. Statuta Općine Stolac koji glasi:

“Kvorum zasjednicu Općinskog vijeća Stolac sastoji se od dvije trećine svih izabranih vijećnika. Kvorum će biti potreban za donošenje odluka. Sve se odluke donose natpolovičnom većinom prisutnih vijećnika Općinskog vijeća na sjednici”;

Ohrabren skorašnjim napretkom u procesu pomirenja u općini, funkcioniranjem općinske administracije, kao i napretkom u radu Općinskog vijeća;

Uzimajući u obzir da nakon općinskih izbora u aprilu 2000. godine, sadašnji uvjeti više ne zahtijevaju dvotrećinski kvorum u cilju osiguravanja učinkovitog funkcioniranja Općinskog vijeća;

Pozivajući se sukladno tome, između ostalog, na član VI.1 Ustava Federacije Bosne i Hercegovine i potrebu da se, osim toga, osigura efikasna zastupljenost cjelokupnog stanovništva općine Stolac u njenoj javnoj upravi;

Nadalje uzimajući u obzir da Zakon o lokalnoj samoupravi Hercegovačko-neretvanskog kantona (“Službene novine Hercegovačko-neretvanskog kantona”, br. 04/00) ne sadrži nikakvu izričitu odredbu vezano za kvorum;

Razmotrivši u cjelosti prethodno pomenuto, ovim donosim slijedeću;

ODLUKU

O IZMJENAMA I DOPUNAMA STATUTA OPĆINE STOLAC

Prvi stav člana 23. Statuta općine Stolac (“Službene novine Općine Stolac”, br. 01/98) briše se i zamjenjuje novim tekstom, koji glasi:

“Općinsko vijeće može donositi odluke ako je prisutno više od polovine izabranih općinskih vijećnika.”

Ova odluka stupa na snagu odmah i biće objavljena bez odlaganja u “Službenim novinama Hercegovačko-neretvanskog

kantona" i u "Službenim novinama Općine Stolac".

Sarajevo, 23. maj 2002.

Wolfgang Petritsch

Visoki predstavnik